



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Qvæstionvm Regvlarivm R. admodum P.
Emanuelis Roderici Lusitani, S. T. Lectoris Prou. S. Iacobi
Reg. Obseru. Ordin. Mino. Diffinitoris**

Rodrigues, Manuel

Lvgdvni, 1621

G.

urn:nbn:de:hbz:466:1-41743

GENERALIS. 193

mosynaliter datur, quamuis habeat certitudinem probabilem & moralem. Vnde quantumcumque dictis Fratribus iure naturali, vel diuino vel alio, aliquid debeatur pro Missis, Sermonibus, aut aliis exercitiis spiritualibus vel alia quacumque causa non possunt id petere, vel recipere nisi eleemosynaliter, sine vilo titulo iuris ciuilibus; bene autem possunt recipere domus ab aliquibus dominis temporalibus præbentibus omnia necessaria ad victum & vestitum, absque eo quod ostiatim petantur, quia hæc certitudo est tantum moralis. *tom. 3. q. 3. art. 3.*

GENERALIS.

Vide Electio, Degradatio, Eiectio ab Ordine, Aedificia, Visitatio.

Generalis non potest facere statutum sine Capitulo; sed tantum præceptum eius morte finiendum. Idem est iudicium de Prouinciali, Prouincia, & Ordine, quia sicut Prouincialis non potest statutum condere sine Capituli maiori parte; sic nec prouincia potest statutum facere sine suo Prouinciali.

N ciali

ciali, vel Ordo sine suo Generali.
rom. 1. quest. 10. art. 1.

Generales Ministri habent iurisdictionem ad modum Patriarcharum, seu Primatum (differunt autem Patriarcha, & Primas solo nomine) Prouinciales ad modum Archiepiscoporum, Custodes ad modum Episcoporum; Guardiani autem sunt sicut Archi-Presbyteri, & Confessores sicut Parochi, seu Presbyteri. *rom. 1. q. 12. art. 5.*

GRADVATIO.

Vide Confessarij quoad presentationem.

Possunt Clerici post Clericatum, & etiam Monachi ad Doctoratus gradum in iure civili promoueri, si ante Clericatum, & Monachatum ei operam dederint. *rom. 2. q. 74. art. 1.*

Bonifacius IX. concessit Magistro Generali Ordinis Prædicatorum pro tempore existenti, quòd in quolibet Capitulo generali dicti Ordinis, vni ex Fratibus in Theologiæ facultate prouecto, modò per Generalem & Diffinitores Capituli, vel aliquos

GRADVATIO. 195

aliquos Magistros ad hoc assumen-
dos, diligenti examine sufficiens, &
idoneus inuentus fuerit, Magisterij
honorem, & docendi licentiam, ser-
uatis conditionibus Concilij Vien-
nensis, & aliis solemnitatibus in ta-
libus cōsuetis largiri possit: Fruetur-
que taliter Graduatus omnibus gra-
tiis, priuilegiis, libertatibus Fratrum
eiusdem Ordinis, qui in eadem
Theologia Parisiensi sunt Magistri,
ac si ibi gradum & huiusmodi Ma-
gisterium recepisset. *ibid.*

Martinus V. præcepit vniuersis
Cancellariis, Magistris, & Doctori-
bus studiorum, ne Fratribus Mino-
ribus, seu alicui eorum gradum &
honorem monasterij conferre præ-
sumant, nisi cursum per constitu-
tiones Apostolicas & Ordinis in-
stituta perfecerint, & aliàs ad di-
ctum gradum obtinendum idonei
existent. Si quis autem præter ri-
gorem huiusmodi gradum suscepe-
rit, voluit vt honore magisterij ca-
reat, ac lecturis & actibus, gratiis-
que magistralibus ipso facto priua-
tus existat, & ad eadem de cætero
inhabilis. *art. 2.*

Licet cum Prælati licentia graduari possint Monachi, *Innocentius* tamē VIII. statuit, quod nullus Frater Ordinis Prædicatorum Reformatorum, seu de Observantia, Provincia aut Congregationis Hispaniæ magisterij seu alium quemcunque gradum in sacra Theologia (nisi ad illud per Capitulum dictæ Congregationis expositus fuerit) quoquo modo assumere præsumat; & quod si qui aliter promoti fuerint, pro non promotis habeantur, & ad huiusmodi gradus inhabiles sint. *art. 3.*

Supradicta *Innocentij VIII.* constitutio locum habet, licet perfecterint cursus suos, ac sententias legerint in Vniuersitatibus approbatis, & actus legitimos, cæteraque exercitia scholastica fecerint, prout facere & legere de consuetudine, vel de iure in huiusmodi tenentur. *ibid.*

Potest Præpositus Generalis Societatis, vel de eius licentia quiuis ex Præpositis, vel Rectoribus Collegiorum cum duobus vel tribus Doctoribus vel Magistris per eosdem eligendis, graduare suos scholares, abso

G V A R D I A N I. 197

absoluto tamen suorum studiorum casu, rigorosè præcedente examine. Quicumque autem modo prædicto promoti fuerint; gaudere poterunt omnibus priuilegiis, & prærogatiuis, quibus gaudent, qui in Vniuersitatibus iuxta solitos inibi vsus promouentur. *art. 4. & 5.*

Nomine scholarium hic intelliguntur scholares qui sunt de Societate. *art. 4.*

G V A R D I A N I.

Vide Custos, Diffinitores, Electio, Excommunication, Reseruatio casuum, Vicarius.

Guardiani, & cæteri Conuentuales Prælati, vt Rectores, Priores, &c. sunt verè Prælati habentes dignitatem Ecclesiasticam, Vicarij autem tunc tantum sunt Prælati, cum præsidente Conuentibus, qui propter paucitatem Fratrum, nomine Guardianatus minime appellantur, sed nomen Vicarij illis tribuitur, alias non sunt Prælati. *tom. 1. q. 12. art. 6.*

Guardiani, & similes Conuentuales Prælati, cum sint inferiores

N 3

Præla

Prælati Archipresbyteri similes, ipsorum munus præcisum est, sicut & iurisdictio, vnde tantum præsent ad minora determinanda, maiora vero referre debent ad Prælatos Prouinciales habentes iurisdictionem quasi Episcopalem. *tom. 1. q. 17. ar. 3.*

Minora negotia, quæ Guardiani de iure possunt exercere, sunt omnia quæ pertinent ad obseruantiam disciplinæ Regularis, & quæ pertinent ad ordinariam gubernationem Conuentus, ad quæ suos subditos possunt censuris cogere; maiora vero sunt, quæ præcisè ad iurisdictionem Episcopalem pertinent: vt licentia subditos ad Ordines sacros, Prædicatores, & Confessores instituere, dispensare, & absoluerè à reseruatis, grauiora supplicia infligere, & similia. *ibid.*

Abbates, qui à Regibus præsentantur, & à summo Pontifice præficiuntur (quales sunt multi Sancti Benedicti) sunt reuera Prælati maiores, cum immediatè habeant iurisdictionem Episcopalem. *ibid.*

Guardiani, & alij Præfecti locales, virtute priuilegiorum habent
 plena

plenariam auctoritatem circa suos subditos, sicut Prouinciales in totam prouinciam. Sed cum talium priuilegiorum vsus consuetudine præscripta, ex constitutionibus variis Ordinis eis sæpius sit interdictus, tenentur ab illorum priuilegiorum vsu sibi prohibito abstinere, ideoque consulant sui Ordinis constitutiones & consuetudines, contra quas nequeunt manum mittere, sub pœna peccati mortalis, aut venialis, secundum grauitatem materiæ. *art. 4. & 5.*

Iurisdicctio Guardianorum, & multò magis Custodum, Prouincialium, ac Generalium, est ordinaria, non delegata; delegatus verò dicitur, qui vices alterius gerit ex commissione, & non ex lege; ordinarius autem est, qui beneficio legis suam habet auctoritatem. *art. 6.*

Sicut potestas Prælatorum Regularium potest restringi, & coarctari à summo Pontifice, vt pote ab eo dependens; sic iusta existente causa, poterit inferiorum Prælatorum auctoritas & iurisdicctio à Prælatis superioribus restringi & co-

arctari. Quia licet vtrisque data sit memorata potestas iure diuino, concessa tamen est ordine hierarchico; vt minores pendeant à maioribus. *art. 7.*

Nequeunt, maiores Prælati sine iusta causa Prælatorum inferiorum ordinariorum potestatem restringere; si secus fecerint, peccabunt, illis iniuriam irrogando, factum tamen tenebit. *ibid.*

Potestas Superiorum in Moniales est ordinaria, quia est à commissione & priuilegio perpetuis; estque tanta, quanta erat proprii per Regulam earum Superioris Protectoris scilicet Ordinis: exceptis quibusdam restrictis quoad electionem Abbatis, & ingressum in Monasterium. Nec hæc potestas in Moniales sanctæ Claræ est per *Concil. Trid. reuocata. art. 8. 9. 10.*

H A B I T V S.

Vide Nouitius, Sepultura, Tertiarij.

Inter leges quæ omnibus fere Regularibus communes sunt, hæc vna est, ne lineis indusiis vestiantur,